

5.

D. O. M.

QUÆSTIO MEDICA.

*CARDINALITIIS DISPUTATIONIBUS,
mandè discutienda, in Scholis Medicorum, die Jovis vigesimo-tertio
mensis Martii, anno Domini M. DCC. XLVII.*

M. ANTONIO DE JUSSIEU, in supremo de re diplomaticâ Ministrorum Cœtu, à Consiliis & à Secretis Regiis, Regiæ Scientiarum Academiæ, Regiarumque Societatum Londinensis & Berolinensis Socio, Botanices in Horto Regio Professore ac Demonstratore, Doctore Medico, Præside.

An omne esculentum vegetabile culturâ Salubrius?

I.



VEGETABILUM cohors, quam in classes, genera, species, & varietates distinguimus, ad quadruplicem usum tota refertur: nascuntur alia ad cibos, & vocantur esculenta; alia medicaminibus dicantur; apta sunt artibus plurima; cætera, quorum dotes ignotæ sunt, experientiæ subjiçiantur, & oculorum recreationi. Quæ cibo, ut ea quæ sunt remediis propria, Medicum pariter spectant, cùm sani in homine statûs conservator, sicut ægri reparator existat. Quanto igitur studio medicaminum examini incumbit, tanto ad eduliorum vegetabilium delectus attendat, necesse est. Quo pacto autem saniora indicabit, nili singulas illorum culturæ artes theoricè saltem noverit? Si agricolæ laborum ignarus nesciat

Quid faciat latas segetes, quo fidere terram

Vertere conveniat?

Et quid quaque ferat regio, & quid quaque recuset?

Quâ mercede domandus ager?

Et quid molitur aratro?

Si, cur in novalibus Rapa, Napus, Linum, Fagopyrum serantur, ignoret; nec teneat fieri, ne segnes jaceant terræ, ut mutatis requiescant sætibus arva, & ut terra feminibus levioribus minùs exhausta, uberiori & pinguiori graviorum proventui sit deinceps aptior. Itaque

Si nos digna manet divini gloria ruris,

Medicum sapientem nosse juvat, quid aër, quid imbres, quid terrarum delectus, quid irrigationes, quid fossiones, quid stercorationes ad cuiuscumque oleris salubritatem operantur, scire etiam nulli magis convenit.

Quot arboribus . . .

Natura modos primum dedit . . .

Quibus genus omne

Sylvarum fruticumque vires . . .

Quâ Hortulanus arte Cerasa, Prunos, Amygdalum, Persicas, Mala, Pyros,

A



Virg.
Georg.

Virg.
Georg.

Virg.
Georg.

Castaneas, Aurantia, Limones, Citreum, cæteralque sativas arbores multiplicet; quid eis conferat

Georg.

... *Modus inferere, atque oculos imponere simplex,*
... *Et quas ipse vias sibi repperit usus;*

Quid fructibus aprica, quid solaris arborum expositio afferat: quot varæ ad uvarum excellentiam in vitibus cautiones & operæ requirantur.

I I.

P R I M Æ V O S inter homines fuerunt alii urbium, alii ruris incolæ; illi artibus & litteris, hi agrorum culturæ operam omnem navarunt: ex istis felicitior qui *audacibus capitis*

Georg.

Glandem pingui mutavii arista.

Non in solâ animantium ad victum vestitumque necessarium, sed & in esculentorum vegetabilium educatione rusticam stetit vitam arbitrati sunt. Nascentes sub sole suo plantas in sylvis, in montibus, in pratis, secus rivos, in paludibus, hortenses fecere: conquisitas mutuo vicinorum commercio, & allatas è longinquis exoticas sibi familiares reddidere, suisque indigenis addidere. Sibi curâ multiplici natas suis & urbanorum civium mensis apposuerunt, ac eas singulis anni-temperatibus novis ferculis & dapibus ambitiosè decorarunt. His Antiquorum & recentibus Modernorum artibus pastoris suum pecus pinguioribus pabulis pascendis vices agunt Agricola, Olitor, Hortulanus & Vinitor, quibus diceres.

Georg.

Domitum cultoribus orbem.

Non infelix eis modò fimorum, modò stercorationis, interdum marnæ usus, ut promptius æstuet ager optimus, non minùs fausta sabuli mixtio, ut lævius fiat solum; irrigationes frequentes profunt ut humescat arvum; terræ folio, ut aeris virtute ac imbribus ex omni parte subigatur, & ut semina, sic fructus, sic oleum multiplex genus, sic legumina varia

Georg.

Indè occultas vires, & pabula terra
Pingua concipiant.

His faginata pabulis salubriora & magis grata fiunt; his pabulis praviolerum quorundam affectus tolluntur; insipida saporem non injucundum contrahunt; plurium amarities, aliorum aciditas, & nonnullorum odor, sanitati quasi noxius, in dulcedinem & salubritatem immutantur; sicque feliciter

Georg.

Degenerant succos oblita priores.

Sic nativa sylvestrium frugum indoles corrigitur, & majori feliciorique nutrimento educatæ, comestæ sanitati favent.

I I I.

I N N U M E R A esculentorum vegetabilium genera, differentiæ plures:

Georg.

Sed neque, quam multa species, nec nomina qua sint
Est numerus; neque enim numero comprehendere refert.

Alia enim sani corporis nutriendi quotidiano usu omnibus notissima; alia agris propria; alia urbanis, alia rusticis feliciora; alia quæ præparatione nonnullâ ad escam salubrem egent; quamplurima feminibus multiplicanda & renovanda quotannis; quædam indigena culturæ soli suam debent salubritatem; nonnulla acris & aromatico sapore suo condimentum minus sapidis præstant; tarda quædam arte variâ redduntur præcocia; singulæ anni tempestates sua sibi vindicant co-

medenda, suas ritè peragendis corporis humani functionibus virtutes cultura quibuscumque præbet. Rem probant cultas inter radices nostras rurales & indigenas, *Pastinaca sylvestris*, *Daucus vulgaris* ex agrestibus & tenuioribus crassiores & magis suaves factæ; *Scorzonera latifolia*, & *Tragepogon porrifolium*, ex crassioribus tenuiores & gustu magis gratæ redditæ: inter plantas foliis singulares *Apium palustre* ex acriori dulce & esculentum redditum, ac dein alio nomine, *Celeri* nempè, nuncupatum: sic *Acetosa pratensis* longa dicta, *montana maxima* lata vocata, & *Lusitanica viminea* rotunda nuncupata, *Coronopus vulgaris* ex culturâ hortensis, *Valerianella campestris* edulis facta. Quid de *Cinarâ Batica* in obsoniis tam frequenti & tam lautâ, in agro Laudunensi monstrosâ redditâ; nec non de *Brassicâ proceriori* in maritimis nostris nascenti, apud Turonenses cultâ, & ita esculentâ, ut inter ferculorum delicias toto anno reputatur: *Pimpinella vulgaris*, *Cichorium sylvestre*, *Sedum terebinthifolium* inter refrigerantes plantas recensita, in hortenses & edules conversa; inter semina appetitum excitantia *Sinapi*; è fructibus tot Pyrorum, Malorum species ad palati delectationem ex insitis arboribus natæ; tam gratæ bacca ad sitim sedandam, ut *Grossularia*, *Berberis*, *Cerasa*, *Rubus*, & *Uva* ex labrulis ortæ; alias inter plantas integræ quædam escam salubres ut *Salicornia*, *Portulaca*, *Citrinum*, *Feniculum*, & ipsummet *Nasturtium aquaticum* fecus rivulos prope Rothomagum culturâ redditum palato gratissimum, & formâ suâ ita parvum ut pro specie novâ haberetur, ibique *Cailli* dictum; è quibus singulis vegetabilibus sativis aliis, aliis domesticis, sunt quæ magis nutriunt, sunt quæ salivæ mixta masticationem juvant; alia quæ stomachali succo juncta digestionem favent, alia chylo puriori consiciendo inserviunt.

I V.

QUANTUM valeant ad plantarum edullum salubritatem variæ eas excollendi artes quis adhuc dubitet? Simile tamen ex animalium educatione exemplum deducere non abs re erit: hæc inter & illas conspiciens analogia confirmat, non impar & generationis & vitæ nutritionisque principium.

Qui cultus habendo

Georg.

fit pecori pinguiori, similis comparando olere exquisitiori supponatur; sicut armenta & nata in sylvis animalia fiunt educatione mensis aptiora, salubrioraque, sic gratior oleribus, Cichoriis, Brassicis, Porris, Cæpisque inditus sapor vigiliolitorum curâ. Sicut ex negato in animalibus fuoci nervei ad organa generationis appulsu partes cæteræ fiunt ampliores pinguioreque, quod ex bobus, capris, vervecibusque patet, ad escam aptioribus tauris, hircis & arietibus; & inter volatilia ex caponibus anteponendis gallis gallinacis: non aliter abscissâ ex arboribus ramorum exuberanti copiâ fructus eduntur crassiores & magis esculenti; sic in cerealibus dempto ampliori foliorum numero, culmorum & seminum vires & virtutes augentur; sic radices, sic folia olerum vulgarium retardato caulium ac florum proventu augentur & magis dulcescunt. Ut ex quadrupedum carnibus, fuillas non nisi saginatas coqui eligunt; ut ex volatilibus, inclusas in columbariis turtures vagantibus columbis anteponunt; ut ex aquatilibus, pisces in vivariis educatos, fluviatilibus; ut caneros & astacos fluviatiles, iis qui in fontibus vivunt; ut ostrea septo collecta & saginata piscario, iis qui inter Fucos & Madreporas crescunt præcellere agnoscunt; sic in areis positas & superne ligatas lactucas, intybosque sponte nascentibus præferri vulgare est; sic vitreis cooperti campanis melones cucumeresque fiunt præcoces & meliores: sic Ananas cæteræque plantæ Indicæ hypocaustorum ope saporem patrio similem acquirunt: omnibus est labor impendendus. Sicut denique dum pecus

Luxuriem segetum tenerâ depascit in herbâ

Georg.

pinguedine, lymphâ & carnibus augetur, sic vegetabilia fimis, irrigatione, ac variis pabulis educata opimis crassiora & esculenta magis redduntur. Eorum ultione quod avolat pars est maxima; residuum sive cineres, quorum pondus totius solidi vix centesimum æquat, minimum est; pars germini propria vel pro nihilo habenda, vel infinitè minima censenda. Neve quidquam animalium cum plantarum analogiæ defit, si ex illis non educata sapiunt magis nonnulla, ut Apri, Cuniculi, Perdices, agrestibus quoque quibusdam plantis, ut Fragis, nullam ea culturam pascere concedatur, nisi iis locis ubi deficiunt.

V.

QUERENTUR forsàn nonnulli naturæ vindices, eam mutatis vegetabilium speciebus alterari; quin artem geoponicam potius extollant, quæ his tantum salubres saporum varietates addendo naturam ditat? Imò natus ex productis à culturarum seminibus species incultis omninò similes sæpius agnoscent, V. G. ex Aurantiis, Citreis, Limonibus, Pyris, Malis, Prunis, ac Vite; Ne-vè additis solo naturali virtutibus species has privari objiciant, ubi à vitæ & generationis simili principio, organisque animalium non absimilibus virtutes illas oriri noverint. Sicut enim in volatilibus & quadrupedibus pabulo vario saginatis, diversus inest sapor, ità in vegetabilibus fini ac culturæ diversitas diversum reddit eorum odorem & saporem. Sicut animalia pinguiora facta minus faciliè generant, sic valdè auctà Aurantiorum, Malorum, Pyrorum & Persicorum carne semina eorum fiunt cassà plerumque; sic dum læsæ ab insectorum punctationibus Ficus, aliique fructus citius maturescunt, fiuntque suaviores, tunc propagationi minus apta redduntur eorum semina. Dubia jam non sit plantarum cum animalibus analogia, trachæis, pulmonum organo, parenchymatis & fibris, carne ossibusque paribus, medullarique substantiâ cor, cerebrum & præcipua animantium organa referente; humidum radices velut ora exfugere, vicinisque partibus nutriendis communicare jam compertum est, dum ex foliis hausta aeris, roris & pluviarum humiditas ad corticem, & ex cortice ad interiorem substantiam transvehitur, ubi mixta cum radicum succo, motum ipsi fuscitat, quo promovetur insensibilis perspiratio: par in serpentibus, insectis & cochleis terrestribus ac in arboribus per hyemem inedia absque vitæ discrimine; par & in plantis ac in animalibus sexus gemini hic addenda observatio masculinum præsertim indicans, quâ cujuscumque grani fecundi pulveris è florum staminibus emissi vis elastica deprehenditur similis illi corpusculorum seu organorum spiraliū nuper detectorum in Sepiæ spermate. Quid denique exilibus Polypis fluvialibus licèt divisus in partes plures, in totidem & paria insecta renascentibus, magis simile, quàm ab excilis arborum & arbutorum raniis plantatis vel insitis, integræ melioresque sæpius reproductæ arbores: quis deinceps recensitas tot artes ad vegetabilium hominis nutritioni dicatorum salubritatem necessarias neget? Quis Medico earum ignaro ignosceret, eumque damnorum ab incauto inculturarum plantarum esu ortorum infontem arbitretur?

Ergò omne esculentum vegetabile culturâ Sa'nubrius,

Proponēbat Parisiis STEPHANUS-LUDOVICUS GEOFFROY,
Parifinus, Saluberrimæ Facultatis Medicinæ Parisiensis Baccalaureus,
A. R. S. H. 1747, à sextâ ad meridiem.